

0.0.1 aṅgulimāla suttaṃ

1. evaṃ me suttaṃ: ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. tena kho pana samayena rañño pasenadissa kosalassa vijite coro aṅgulimālo nāma hoti luddo lohitapāṇī hatapahate nivittaṃ adayāpanno pāṇabhutesu. tena gāmāpi agāmā katā, nigamāpi anigamā katā, janapadāpi ajanapadā katā. so manusse vadhitvā vadhitvā aṅgulīnaṃ mālāṃ dhāreti. atha kho bhagavā pubbanhasamayāṃ nivāsetvā pattacīvaraṃ ādāya sāvatthiṃ¹ piṇḍāya pāvisi. sāvatthiyaṃ piṇḍāya caritvā pacchābhattaṃ piṇḍapātapatikkanto senāsanaṃ saṃsāmetvā pattacīvaraṃ ādāya yena coro aṅgulimālo tena ddhānamaggaṃ paṭipajji.

2. addasaṃsu² kho gopālakā pasupālakā kassakā pathāvino³ bhagavantaṃ yena coro aṅgulimālo tena ddhānamaggaṃ paṭipannaṃ disvāna bhagavantaṃ etadavocaṃ: mā samaṇa, etaṃ maggaṃ paṭipajji, etaṃ smiṃ samaṇa, magge coro aṅgulimālo nāma luddo lohitapāṇī hatapahate nivittaṃ adayāpanno pāṇabhutesu. tena gāmāpi agāmā katā, nigamāpi anigamā katā, janapadāpi ajanapadā katā. so manusse vadhitvā vadhitvā aṅgulīnaṃ mālāṃ dhāreti. etaṃ hi samaṇa, maggaṃ dasapi purisā vīsatiṃ purisā tiṃsampi purisā cattārīsampi purisā paññāsampi purisā saṃha-

¹sāvatthiyaṃ - sīmu

²addasāsuṃ - machasaṃ, sīmu, pts

³pathāvino - pts, syā

ritvā saṃharitvā⁴ paṭipajjanti. tepi corassa aṅgulimālassa hatthatthaṅgacchanti'ti⁵. evaṃ vutte bhagavā tuṇhībhūto agamāsi.

3. dutiyampi kho gopālakā pasupālakā kassakā pa-thāvino⁶ bhagavantam etadavocum: mā samaṇa, etaṃ maggaṃ paṭipajji, etasmim samaṇa magge coro aṅgulimālo nāma luddo lohitaṇṇāni hatapahate nivittṭho adayaṇṇo paṇabhutesu. tena gāmāpi agāmā katā, nigamāpi anigamā katā, janapadāpi ajanapadā katā. so manusse vadhitvā vadhitvā aṅgulīnaṃ mālāṃ dhāreti. etaṃ samaṇa, maggaṃ dasapi purisā vīsatiṃ purisā tiṃsampi purisā vattārisampi purisā paññāsampi purisā saṃharitvā saṃharitvā⁷ paṭipajjanti, tepi corassa aṅgulimālassa hatthatthaṅgacchanti'ti⁸. tatiyampi kho bhagavā tuṇhībhūto agamāsi.

4. addasā kho coro aṅgulimālo bhagavantam dūratova āgacchantam, disvānassa etadahosi: acchariyaṃ vata bho abbhūtam vata bho. imaṃ hi maggaṃ dasapi purisā, vīsatiṃ purisā, tiṃsampi purisā, cattārisampi purisā, paññāsampi purisā saṃharitvā saṃharitvā paṭipajjanti, tepi mama hatthatthaṅgacchanti. atha ca paṇāyaṃ samaṇo eko adutiyo pasayha maññe

⁴saṅkaritvā saṅkaritvā - machasaṃ; saṅkaritvā saṅkaritvā - syā.

⁵hatthattam gacchanti - sīmu; hatthattam gacchanti - machasaṃ, syā, pts

⁶padhāvino - pts, syā

⁷saṅkaritvā saṅkaritvā - machasaṃ; saṅkaritvā saṅkaritvā - syā.

⁸hatthattam gacchanti - sīmu; hatthattam gacchanti - machasaṃ, syā, pts

āgacchati. yannūnāhaṃ imaṃ samaṇaṃ jīvitā voro-
peyya'nti.

5. atha kho coro aṅgulimālo asicammaṃ gahetvā dha-
nukalāpaṃ sannayahitvā bhagavantam piṭṭhito piṭṭhito
anubandhi. atha kho bhagavā tathārūpaṃ iddhābhi-
saṅkhāraṃ abhiṅkhāsi⁹. yathā coro aṅgulimālo bha-
gavantam pakatiyā gacchantam sabbatthāmena gac-
chanto na sakkoti sampāpuṇituṃ. atha kho corassa
aṅgulimālassa etadahosi: acchariyaṃ vata bho abbhū-
taṃ vata bho, ahaṃ hi pubbe hatthimpi dhāvantam
anupatitvā gaṇhāmi, assampi dhāvantam anupatitvā
gaṇhāmi, rathampi dhāvantam anupatitvā gaṇhāmi,
migampi dhāvantam anupatitvā gaṇhāmi. atha ca pa-
nāhaṃ imaṃ samaṇaṃ pakatiyā gacchantam sabbat-
thāmena gacchanto na sakkomi sampāpuṇitu'nti t̥hito
bhagavantam etadavoca: tiṭṭha samaṇa, tiṭṭha sama-
ṇāti. t̥hito ahaṃ aṅgulimāla, tvaṅca tiṭṭhāti.

6. atha kho corassa aṅgulimālassa etadahosi: ime
kho samaṇā sakyaputtiyā saccavādino saccapaṭiñño,
atha ca paṇāyaṃ samaṇo gacchaṃyeva samāno eva-
māha¹⁰ t̥hito ahaṃ aṅgulimāla, tvaṅca tiṭṭhā'ti. yan-
nūnāhaṃ imaṃ samaṇaṃ puccheyyanti. atha kho coro
aṅgulimālo bhagavantam gāthāya ajjhabhāsi:

gacchaṃ vadesi samaṇa t̥hitomhi,
mamaṅca brūsi t̥hitaṃ aṭṭhitoti;

⁹abhisāṅkhāresi - syā

¹⁰gacchaṃyevāha - machasaṃ, syā, pts

pucchāmi taṃ samaṇa etamatthaṃ,
kathaṃ t̥hito tvaṃ ahamat̥thitomhī'ti?

t̥hito ahaṃ 'aṅgulimāla sabbadā,
sabbesu bhūtesu nidhāya daṇḍaṃ;
tuvañca pāṇesu asaññatosi,
tasmā t̥hitoḥaṃ tuvamat̥thitosī'ti.

cirassaṃ vata me mahito mahesī,
mahāvanaṃ samaṇoyaṃ paccupādi¹¹;
sohaṃ cirassāpi pahassaṃ¹² pāpaṃ,
sutvāna gāthaṃ tava dhammayuttaṃ.

itveva coro asiāvudhañca,
sobbhe papāte narake anvakāri¹³;
avandi coro sugatassa pāde,
tattheva naṃ pabbajjaṃ ayāci.

buddho ca kho kāruṇiko mahesi,
yo satthā lokassa sadevakassa;
tamehi bhikkhūti tadā avoca,
esova tassa ahu bhikkhubhāvo'ti.

7. atha kho bhagavā āyasmatā aṅgulimālena pacchā-
samaṇena yena sāvatti tena cārikaṃ pakkāmi. anu-
pubbena cārikaṃ caramāno yena sāvatti tadavasari.

¹¹ mahāvanaṃ pāpuṇi saccavādi - machasaṃ; mahāvanaṃ samaṇa paccu-
pādi - syā; mahāvanaṃ samaṇoyaṃ paccavādi - pts

¹² pahāya - machasaṃ; pajahissa - syā; pahāssaṃ - simu, pts

¹³ akiri - machasaṃ; manvakāri - syā

8. atha kho rājā pasenadi kosalo pañcamattehi as-
sasatehi sāvattiyaṃ nikkhami. divādivassa yenārāmo
tena pāyāsi. yāvaticā¹⁴ yānassa bhūmi, yānena gan-
tvā yānā paccorohitvā pattikova yena bhagavā tenupa-
saṅkami, upasaṅkamitvā bhagavantam abhivādetvā eka-
mantam nisīdi. ekamantam nisinnam kho rājānam pa-
senadiṃ kosalam bhagavā etadavoca: kinnu te maha-
rāja, rājā māgadho seniyo bimbisāro kupito, vesālikā
vā licchavī, aññe vā paṭirājāno'ti. na kho me bhante,
rājā māgadho seniyo bimbisāro kupito, napi vesālikā
licchavī, napi aññe paṭirājāno. coro me bhante, vi-
jite aṅgulimālo nāma luddo lohitapāṇi hatapahate ni-
viṭṭho adayāpanno pāṇabhūtesu. tena gāmāpi agāmā
katā, nigamāpi anigamā katā, janapadāpi ajanapadā
katā. so manusse vadhitvā vadhitvā aṅgulīnam mā-
lam dhāreti. tāham bhante paṭisedhissāmīti.

¹⁴yāvatiko - pts

9. sace pana tvaṃ mahārāja, aṅgulimālaṃ passeyyāsi kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajitaṃ, virataṃ pāṇātipātā virataṃ adinnādānā virataṃ musāvādā ekabhattikaṃ brahmacāriṃ sīlavantaṃ kalyāṇadhammaṃ, kinti naṃ kareyyāsīti? abhivādeyyāma vā mayaṃ bhante, paccuṭṭheyyāma vā āsanena vā nimanteyyāma abhinimanteyyāmapi naṃ cīvarapiṇḍapātasenāsanagilānapac-cayabhesajjaparikkhārehi, dhammikaṃ vā assa ra rakkhāvaraṇaguttiṃ saṃvidaheyyāma kuto panassa bhante, dussīlassa pāpadhammassa evarūpo sīlasaṃyamo bhavissatīti? tena kho pana samayena āyasmā aṅgulimālo bhagavato avidūre nisinno hoti. atha kho bhagavā dakkhiṇaṃ bāhuṃ¹⁵ paggahe tvā rājānaṃ pasenadiṃ kosalaṃ etadavoca: eso mahārāja, aṅgulimālo'ti.

10. atha kho rañño pasenadissa kosalassa ahudeva bhayaṃ ahuchamhitattaṃ ahu lomahaṃso. atha kho bhagavā rājānaṃ pasenadiṃ kosalaṃ bhītaṃ saṃviggaṃ lomahaṭṭhajātaṃ viditvā rājānaṃ pasenadiṃ kosalaṃ etadavoca: mā bhāyi mahārāja, mā bhāyi mahārāja, natthi te ato bhayanti. atha kho rañño pasenadissa kosalassa yaṃ ahosi bhayaṃ vā chamhitattaṃ vā lomahaṃso vā, so paṭippassamhī. atha kho rājā pasenadi kosalo yenāyasmā aṅgulimālo tenupa-saṅkami. upasaṅkamitvā āyasmantaṃ aṅgulimālaṃ etadavoca: ayyo no bhante, aṅgulimāloti? evaṃ mahārājāti. kathaṃgotto bhante, ayyassa pitā, kathaṃgottā mātāti? gaggo kho mahārāja, pitā, mantānī mā-

¹⁵dakkhiṇabāhaṃ - pts

tāti. abhiramatu bhante, ayyo gaggo mantāniputto. ahamayyassa gaggassa mantāniputtassa ussukkaṃ karissāmi cīvarapiṇḍapātasenāsanagilānapaccayabhesaj-japarikkhārānanti¹⁶.

11. tena kho pana samayena āyasmā aṅgulimālo āraññako hoti piṇḍapātiko paṃsukuliko tecīvariko. atha kho āyasmā aṅgulimālo rājānaṃ pasenadiṃ kosalaṃ etadavoca: alaṃ mahārāja, paripuṇṇaṃ me ticīvaranti atha kho rājā pasenadi kosalo yena bhagavā, tenupa-saṅkami, upasaṅkamitvā bhagavantaṃ abhivādetvā ekamantaṃ nisīdi. ekamantaṃ nisinno kho rājā pasenadi kosalo bhagavantaṃ etadavoca: acchariyaṃ bhante, abbhūtaṃ bhante, yāvañcidaṃ bhante, bhagavā adan-tānaṃ dametā asantānaṃ¹⁷ sametā aparinibbutānaṃ¹⁸ parinibbāpetā. yaṃ hi mayaṃ bhante, nāsakkhimhā daṇḍenapi satthenapi dametuṃ. so bhagavatā adaṇ-ḍena asattheneva¹⁹ danto. handa ca dāni²⁰ mayaṃ bhante, gacchāma bahukiccā mayaṃ bahukaraṇiyāti. yassadāni tvaṃ mahārāja, kālaṃ maññasīti. atha kho rājā pasenadi kosalo utthāyāsanaṃ bhagavantaṃ abhivādetvā padakkhiṇaṃ katvā pakkāmi.

¹⁶parikkhārehīti - sīmu

¹⁷asamentānaṃ - syā

¹⁸apparinibbutānaṃ - syā

¹⁹asatthena - syā

²⁰handadāni - syā, pts

12. atha kho āyasmā aṅgulimālo pubbanhasamayam nivāsetvā pattacīvaram ādāya sāvattim²¹ piṇḍāya pāvisi. addasā kho āyasmā aṅgulimālo sāvattiyam sapadānam piṇḍāya caramāno aññataram itthim mūlhagabbham vighātagabbham²² disvānassa etadahosi: kilissanti vata bho sattā kilissanti vata bho sattā'ti. atha kho āyasmā aṅgulimālo sāvattiyam piṇḍāya caritvā pacchābhataṃ piṇḍapātapatikanto yena bhagavā tenupasaṅkami, upasaṅkamitvā bhagavantam abhivādetvā ekamantaṃ nisīdi, ekamantaṃ nisinno kho āyasmā aṅgulimālo bhagavantam etadavoca: idhāham bhante, pubbanhasamayam nivāsetvā pattacīvaram ādāya sāvattim²³ piṇḍāya pāvisim addasaṃ kho aham bhante, sāvattiyam sapadānam piṇḍāya caramāno aññataram itthim mūlhagabbham vighātagabbham²⁴ disvāna me etadahosi: kilissanti vata bho sattā, kilissanti vata bho sattā'ti.

13. tena hi tvam aṅgulimāla, yena sā itthi²⁵ tenupasaṅkama, upasaṅkamitvā taṃ itthim evaṃ vadehi: yatohaṃ bhagini jāto²⁶ nābhijānāmi sañcicca pāṇam jīvitā voropetā. tena saccena sotthi te hotu, sotthi gabbhassā'ti. so hī nūna me bhante, sampajānamusāvādo bhavissati, mayā hi bhante, bahū sañcicca pāṇā jīvitā voropitāti.

²¹sāvattiyam - simu, machasaṃ

²²visātagabbham - pts

²³sāvattiyam - simu, machasaṃ

²⁴visātagabbham - pts

²⁵sāvatti - pts

²⁶jātiyā jāto - simu

14. tena hi tvam aṅgilimāla, yena sā itthi itthināpa-
raṃ tenupasaṅkama. upasaṅkamtivā taṃ itthiṃ evaṃ
vadehi: yatohaṃ bhagini, ariyāya jātiyā jāto nābhijā-
nāmi sañcicca pāṇaṃ jīvitā voropetā. tena saccena
sotthi te hotu sotthi gabbhassā'ti. evaṃ bhanteti kho
āyasmā aṅgulimālo bhagavato paṭissutvā yena sā it-
thi²⁷, tenupasaṅkama, upasaṅkamtivā taṃ itthiṃ eta-
davoca: yatohaṃ bhagini, āriyāya jātiyā jāto, nābhi-
jānāmi sañcicca pāṇaṃ jīvitā voropetā, tena saccena
sotthi te hotu sotthi gabbhassā'ti. atha kho sotthi it-
thiyā ahosi²⁸ sotthi gabbhassa.

15. atha kho āyasmā aṅgulimālo eko vūpakaṭṭho ap-
pamatto ātāpī pahitatto viharanto na cirasseva yassat-
thāya kulaputtā sammadeva agārasmā anagāriyaṃ pab-
bajanti. tadanuttaraṃ brahmacariyaṃ pariyosānaṃ
diṭṭheva dhamme sayam abhiññā sacchikatvā upasaṃ-
pajja vihāsi. khīṇā jāti, vusita brahmacariyaṃ, kataṃ
karaṇiyaṃ, nāparaṃ itthattāyāti abbhaññāsi. añña-
taro ca kho panāyasmā aṅgulimālo arahataṃ ahosi.

16. atha kho āyasmā aṅgulimālo pubbanhasamayaṃ
nivāsetvā pattacivaraṃ ādāya sāvattṃ piṇḍāya pā-
visi, tena kho pana samayena aññenapi leḍḍu khitto
āyasmato aṅgulimālassa kāye nipatati, aññenapi daṇḍo
khitto āyasmato aṅgulimālassa kāye nipatati, aññe-
napi sakkharā khittā āyasmato aṅgulimālassa kāye ni-
patati. atha kho āyasmā aṅgulimālo bhinnena sīsena

²⁷sāvatti - pts

²⁸atha khvāssā itthiyā sotthi ahosi - sīmu, machasaṃ

lohiteṇa galanteṇa bhinnena pātṇeṇa vipphāritāya²⁹ saṅghāṭiyā yena bhagavā tenupasaṅkami. addasā kho bhagavā āyasmantaṃ aṅgulimālaṃ dūratova āgacchan-taṃ, disvāna āyasmantaṃ aṅgulimālaṃ etadavoca: adhi-vāsehi tvaṃ brāhmaṇa, adhivāsehi tvaṃ brāhmaṇa, yassa kho tvaṃ kammaṣṣa vipākeṇa bahūni vassāni bahūni vassasatāni bahūni vassasahassāni niraye pacceyyāsi. tassa tvaṃ brāhmaṇa, kammaṣṣa vipākaṃ diṭṭheva dhamme paṭisaṃvedesi'ti. atha kho āyasmā aṅgulimālo rahogato paṭisallīno vimuttisukhapaṭisaṃ-vedi tāyaṃ velāyaṃ imaṃ udānaṃ udānesi:

yo ca pubbe pamajjitvā,
pacchā so nappamajjati;
so imaṃ lokaṃ pabhāseti,
abbhā muttova candimā.

yassa pāpaṃ kataṃ kammaṃ,
kusaleṇa pithiyati;
so imaṃ lokaṃ pabhāseti,
abbhā muttova candimā.

yo have daharo bhikkhu,
yuñjati buddhasāsane;
so imaṃ lokaṃ pabhāseti,
abbhā muttova candimā

disā hi me dhammakathaṃ suṇantu,
disā hi me yuñjantu buddhasāsane;

²⁹vipphāritāya - sīmu.

disā hi me te manuje³⁰ bhajantu,
ye dhammamevādapayanti santo.

disā hi me khantivādānaṃ³¹,
avirodhappasaṃsināṃ³²;
suṇantu dhammaṃ kālēna,
tañca anuvidhīyantu.

na hi jātu so mamaṃ hiṃse,
aññaṃ vā pana kañcanaṃ³³;
pappuyya paramaṃ santim,
rakkheyya tasathāvare.

udakaṃ hi nayanti nettikā,
usukārā namayanti tejanaṃ;
dāruṃ namayanti tacchakā,
attānaṃ damayanti paṇḍitā.

daṇḍeneke damayanti,
aṅkusehi kasāhi ca;
adaṇḍena asatthena,
ahaṃ dantomhi tādina.

ahiṃsakoti me nāmaṃ,
hiṃsakassa pure sato;
ajjāhaṃ saccanāmomhi,

³⁰manussā - sīmu; manujā - machasaṃ, syā; manusse -pts

³¹khantivodāniṃ - syā

³²avirodhappasaṃsanaṃ - syā, saṃsināṃ - machasaṃ

³³kiñci naṃ - machasaṃ

na naṃ hiṃsāmi kañcanam³⁴.

coro ahaṃ pure āsiṃ,
aṅgulimālo ti vissuto;
vuyhamāno mahoghena,
buddhaṃ saraṇamāgamaṃ.

lohitapāṇi pure āsiṃ,
aṅgulimāloti vissuto;
saraṇāgamaṇaṃ passa,
bhavanetti samūhatā.

tādisaṃ kammaṃ katvāna,
bahuṃ³⁵ duggatigāminam;
phuṭṭho kammavipākena,
anaṇo bhuñjāmi bhojanaṃ.

pamādamanuyuñjanti,
bālā dummedhino janā;
appamādañca medhāvī,
dhanam seṭṭhaṃva rakkhati.

mā pamādamanuyuñjetha,
mā kāmaratisanthavaṃ;
appamatto hi jhāyanto,
pappoti vipulaṃ sukhaṃ.

³⁴kañci naṃ - simu, pts, syā; kiñci naṃ - machasaṃ

³⁵bahu - pts

sāgataṃ³⁶ nāpagataṃ,
 nayidaṃ dummantitaṃ mama;
 saṃvibhattesu³⁷ dhammesu,
 yaṃ seṭṭhaṃ tadupāgamaṃ.

sāgataṃ³⁸ nāpagataṃ,
 nayidaṃ dummantitaṃ mama;
 tisso vijjā anuppattā,
 kataṃ buddhassa sāsanti.

³⁶svāgata - machasaṃ, syā

³⁷suvibhattesu - syā; paṭibhattesu - pts

³⁸svāgata - machasaṃ, syā